

METODOLOŠKI DOKUMENT  
MJESEČNO ISTRAŽIVANJE O ZAPOSLENIMA U OBRTU I SRODNIM  
DJELATNOSTIMA (RAD-15)

Sarajevo, 2017. godina

**Izdaje Federalni zavod za statistiku FBiH, 71000 Sarajevo, Zelenih beretki 26**

**Telefon: +387 (33) 20 64 52, Fax: +387 (33) 22 61 51**

Elektronska pošta: [fedstat@fzs.ba](mailto:fedstat@fzs.ba), Internetska stranica: <http://www.fzs.ba>

**Odgovara: Doc. Dr. Emir Kremić, direktor**

## SADRŽAJ

UVOD.....	4
SKRAĆENICE.....	4

### 1. OSNOVNE ADMINISTRATIVNE INFORMACIJE

1.1. Naziv istraživanja .....	5
1.2. Nosilac istraživanja (područje statistike) i periodika istraživanja .....	5
1.3. Pravna osnova statističkog istraživanja.....	5
1.4. Obaveza davanja podataka.....	5
1.5. Povjerljivost i zaštita podataka .....	5

### 2. METODOLOŠKE OSNOVE

2.1. Cilj istraživanja .....	5
2.2. Predmet istraživanja.....	5
2.3. Izvještajne jedinice .....	5
2.4. Adresar izvještajnih jedinica .....	5
2.5. Vrijeme i metoda prikupljanja podataka .....	6
2.6. Relevantni nacionalni standardi.....	6
2.7. Definicije i objašnjenja.....	6
2.8. Primjena klasifikacije djelatnosti KD BiH 2010.....	6

### 3. ORGANIZACIJA I PROVOĐENJE ISTRAŽIVANJA

3.1. Učesnici u provođenju istraživanja .....	6
3.2. Periodika i rokovi za prikupljanje podataka .....	6
3.3. Obuhvat i uporedivost .....	7
3.4. Rezultati istraživanja i objava podataka .....	7
3.5. Namjena podataka .....	7
3.6. Korisnici podataka.....	7

## UVOD

Mjesečnim istraživanjem o zaposlenima u obrtu i srodnim djelatnostima (RAD-15) prikupljaju se podaci o vlasnicima osnovnog obrta i zaposlenicima iz svih vrsta obrta koji posluju na teritoriji Federacije BiH.

Podaci se preuzimaju od Porezne uprave Federacije Bosne i Hercegovine.

Podaci o zaposlenima u obrtu i srodnim djelatnostima se publikuju zbirno sa podacima o broju zaposlenih u pravnim osobama na nivou Federacije BiH.

## SKRAĆENICE

BiH	Bosna i Hercegovina
FBiH	Federacija Bosne i Hercegovine
FZS	Federalni zavod za statistiku
RAD-15	Mjesečni izvještaj o zaposlenima u obrtu i srodnim djelatnostima
RAD-1	Mjesečni izvještaj o zaposlenima i plaći
KD BiH 2010	Klasifikacija djelatnosti Bosne i Hercegovine 2010
KD BIH 2006	Klasifikacija djelatnosti Bosne i Hercegovine – prethodna verzija
NACE Rev.2	Europska klasifikacija ekonomskih djelatnosti
NACE Rev.1.1	Europska klasifikacija ekonomskih djelatnosti – prethodna verzija

## 1. OSNOVNE ADMINISTRATIVNE INFORMACIJE

### 1.1. Naziv istraživanja

Mjesečni izvještaj o zaposlenima u obrtu i srodnim djelatnostima.  
Skraćeni naziv: RAD-15

### 1.2. Nosilac istraživanja (područje statistike) i periodika istraživanja

Nosilac istraživanja je Federalni zavod za statistiku. Podaci o zaposlenima u obrtu i srodnim djelatnostima preuzimaju se od Porezne uprave FBiH.

Istraživanje se provodi u sklopu Sektora za statistiku stanovništva i društvene statistike, u Odsjeku za statistiku tržišta rada.

Periodika istraživanja i obrada podataka je mjesečna. Podaci o zaposlenima u obrtu i srodnim djelatnostima se publikuju zbirno sa podacima o broju zaposlenih u pravnim osobama na nivou Federacije BiH.

### 1.3. Pravna osnova statističkog istraživanja

Statističko istraživanje o zaposlenima u obrtu i srodnim djelatnostima (RAD-15) provodi se na osnovu Zakona o statistici u Federaciji BiH ("Službene novine FBiH" br. 63/03 i 09/09), Programa i Plana provođenja statističkih istraživanja od interesa za Federaciju BiH.

### 1.4. Obaveza davanja podataka

Obaveza dostavljanja podataka zasniva se na čl. 29. i 31. Zakona o statistici u Federaciji BiH. Odbijanje davanja podataka, davanje nepotpunih i netačnih podataka ili nedavanje podataka u propisanom sadržaju i roku povlači kaznene odredbe iz čl. 43. i 44. navedenog Zakona.

### 1.5. Povjerljivost i zaštita podataka

Podaci koji se prikupljaju putem ovog istraživanja koristit će se isključivo za statističke svrhe i neće se objavljivati kao pojedinačni. Upotreba, povjerljivost i zaštita podataka utvrđena je članovima od 36. do 42. Zakona o statistici FBiH i primjenjivat će se prilikom statističke obrade predmetnih podataka.

## 2. METODOLOŠKE OSNOVE

### 2.1. Cilj istraživanja

Osnovni cilj statističkog istraživanja o zaposlenima obrtu i srodnim djelatnostima (RAD-15) je dobivanje podataka o kretanju broja zaposlenih u FBiH.

### 2.2. Predmet istraživanja

Predmet ovog istraživanja su vlasnici kojima je obrt osnovno zanimanje i zaposlenici iz svih vrsta obrta (osnovno, dopunsko i dodatno).

### 2.3. Izvještajne jedinice

Podaci se preuzimaju od Porezne uprave Federacije BiH.

### 2.4. Adresar izvještajnih jedinica

Za ovo istraživanje se ne izrađuje adresar jer se baza aktivnih obrtnika preuzima od Porezne uprave Federacije BiH.

## 2.5. Vrijeme i metoda prikupljanja podataka

Podaci se preuzimaju sa stanjem kraj mjeseca.

Rok završetka obrade mjesečnih podataka o zaposlenima u obrtu i srodnim djelatnostima u Federalnom zavodu za statistiku je izvještajni mjesec + 45 dana.

## 2.6. Relevantni nacionalni standardi

Nacionalni zakoni vezani za područje rada: Zakon o radu ("Službene novine Federacije BiH" br.26/16 ),

Kolektivni ugovori između zaposlenika i poslodavaca,

Zakon o klasifikaciji djelatnosti u Federaciji Bosne i Hercegovine ("Službene novine Federacije BiH", br. 64/07 i 80/11),

Pravilnik o razvrstavanju poslovnih subjekata prema klasifikaciji djelatnosti u Federaciji Bosne i Hercegovine ("Službene novine Federacije BiH", broj 72/17),

Odluka o Klasifikaciji djelatnosti Bosne i Hercegovine 2010 („Službeni glasnik BiH", broj 47/10), koja se primjenjuje na teritoriji Federacije Bosne i Hercegovine na osnovu člana 5. Zakona o klasifikaciji djelatnosti u Federaciji Bosne i Hercegovine ("Službene novine Federacije BiH", br. 64/07 i 80/11).

## 2.7. Definicije i objašnjenja

**Vlasnik obrta ili srodne djelatnosti** je osoba koja je vlastitim sredstvima osnovala obrt ili srodnu djelatnost u kojoj u svoje ime i za svoj račun sama ili uz pomoć zaposlenika obavlja djelatnost.

**Zaposlenici** su osobe koje su zasnovala radni odnos s vlasnikom obrta i srodne djelatnosti na neodređeno ili određeno vrijeme, neovisno od dužine radnog vremena.

## 2.8. Primjena Klasifikacije djelatnosti KD BIH 2010

Podaci o zaposlenim i plaćama prema Klasifikaciji djelatnosti KD BIH 2010 (usklađena sa EU klasifikacijom NACE Rev.2) raspoloživi su od 2005. godine.

# 3. ORGANIZACIJA I PROVOĐENJE ISTRAŽIVANJA

## 3.1. Učesnici u provođenju istraživanja

Federalni zavod za statistiku utvrđuje metodologiju istraživanja, a Planom statističkih istraživanja od interesa za Federaciju BiH definišu se statističke aktivnosti. Plan statističkih istraživanja sadrži sljedeće: naziv istraživanja, nosioca istraživanja, sadržaj i namjenu istraživanja, periodiku provođenja (mjesečno, tromjesečno, godišnje i sl.), referentni period ili datum na koji se podaci odnose, jedinicu posmatranja, izvor i način prikupljanja, izvještajnu jedinicu, rokove za izvještajne jedinice kao i rokove u kojima će se obraditi podaci i objaviti rezultati istraživanja, nivo za koji će se objavljivati rezultati.

U pripremi i provođenju istraživanja učestvuju Federalni zavod za statistiku.

Za provođenje istraživanja ne koristi se obrazac u papirnoj formi nego se preuzima baza podataka u elektronskom obliku.

## 3.2. Periodika i rokovi za prikupljanje podataka

Podaci o broju zaposlenih u obrtu i srodnim djelatnostima preuzimaju se i obrađuju u mjesečnoj periodici.

Rok za dostavljanje podataka je izvještajni mjesec + 15 dana.

Rok završetka obrade mjesečnih podataka o zaposlenima u Federalnom zavodu za statistiku je izvještajni mjesec + 45 dana

### 3.3 Obuhvat i uporedivost

Obuhvat istraživanja su svi aktivni obrtnici. Obuhvataju se podaci o broju vlasnika kojima je obrt osnovno zanimanje i broju zaposlenika u svim vrstama obrta: osnovno, dodatno i dopunsko.

### 3.4 Rezultati istraživanja i objava podataka

Podaci o zaposlenima u obrtu i srodnim djelatnostima se mjesečno publikuju zbirno sa podacima o broju zaposlenih u pravnim osobama na nivou Federacije BiH.

Pojedinačni podaci o zaposlenima u obrtu i srodnim djelatnostima publikuju se u statističkom godišnjaku za nivo Federacije BiH ukupno.

Podaci o ukupnom broju zaposlenih (u pravnim osobama i obrtu i srodnim djelatnostima) za nivo Federacije BiH publikuju se prema područjima i oblastima klasifikacije djelatnosti KD BiH 2010, a za nivoe kantona prema područjima djelatnosti. Za nivoe općina podaci se publikuju samo ukupno, bez podjele na djelatnosti. Razlog za ovo je povjerljivost i zaštita individualnih podataka, na što nas obavezuje Zakon o statistici u Federaciji BiH, članovi 36-39.

Naime, u pojedinim općinama područja djelatnosti su predstavljena sa malim brojem izvještajnih jedinica, do 3 izvještajne jedinice, što onemogućava objavu podataka, a u cilju zaštite individualnih podataka.

Prema kalendaru objavljivanja podataka o zaposlenima i plaći, prvi rezultati se objavljuju u saopćenjima 45 dana od kraja referentnog mjeseca, tačnije do 15 - og u mjesecu za mjesec koji prethodi prethodnom. Detaljni podaci se objavljuju u Mjesečnom biltenu za Federaciju BiH do 20. u mjesecu, i Kantonalnom statističkom biltenu do 25-og u mjesecu. Saopćenja kao i bilteni se postavljaju na web stranici Federalnog zavoda za statistiku. Podaci se objavljuju u formi tabela i prikazani su u apsolutnim iznosima i indeksima.

U godišnjoj periodici objavljuje se tematski bilten Zaposlenost, nezaposlenost i plaće u Federaciji BiH, koji sadrži podatke za nivo Federacije BiH, kantona i općina. Također se objavljuju podaci u statističkom godišnjaku, publikaciji „Federacija BiH u brojkama“, publikaciji „Kantoni u brojkama“, kao i u gender publikaciji „Žene i muškarci u Federaciji BiH“.

### 3.5 Namjena podataka

Podaci o broju zaposlenih u Federaciji BiH služe kao kratkoročni pokazatelji razvoja ekonomije i elementi za izradu dugoročnih i kratkoročnih razvojnih programa u području ekonomske i socijalne politike.

### 3.6 Korisnici podataka

Glavni korisnici podataka jesu vladina tijela, zavodi i druge državne institucije, tijela jedinica lokalne uprave i samouprave, sindikati, udruženja poslodavaca, istraživači, naučnici, novinari i međunarodne organizacije.